



Na osnovu člana 8. Stav 3. Zakona o principima lokalne samouprave FBiH ("Službene novine FBiH, broj: 49/06 i 51/09), Odluke o izvršenju budžeta Općine Travnik ("Službene novine Općine Travnik, broj: 30/23), i Programa o utrošku sredstava iz budžeta Općine Travnik broj: 01-04-21-7-1505/26 od 30.06.2026.g. načelnik Općine Travnik, donosi

JAVNI POZIV
za dodjelu sredstava iz Budžeta Općine Travnik, budžet za mlade

Član 1.

Općina Travnik poziva omladinska udruženja, registrovana na području općine Travnik da dostave prijedloge projekata koji doprinose poboljšanju kvalitete života mladih, jačanju omladinskog sektora, razvoju aktivnog građanstva, promociji zdravih stilova života, društvene uključenosti, zapošljavanju i drugih aktivnosti od javnog interesa za mlade na području općine Travnik.

Član 2.

Pravo na dodjelu sredstava imaju omladinska udruženja, udruženja koja rade sa mladima i za mlade, koji provode projekte i aktivnosti namijenje mladima uzrasta od 18 do 35 godina starosti, sa područja općine Travnik, te ispunjavaju uslove propisane Javnim pozivom.

Pravo na dodjelu sredstava imaju i neformalne grupe mladih uključujući i vijeća učenika srednjih škola sa područja općine Travnik (uz administrativnu podršku registrovanog udruženja čije se sjedište nalazi na području općine Travnik.)

Član 3.

Sredstva za sufinansiranje i finansiranje projekata dodijeljivat će se u maksimalnom iznosu do 2.000,00 KM na ime troškova koji se odnose na direktne troškove nastale realizacijom projekta.

Sredstva namijenjena za Budžet za mlade će se utrošiti najkasnije do 31.12.2026.godine.

Član 4.

Kriteriji za dodjelu podsticajnih sredstava:

Elminatorni kriteriji :

- Da je udruženje osnovano i registrovano na području općine Travnik
- Da je udruženje vođeno od strane državljana Bosne i Hercegovine
- Da su projektni prijedlozi namijenjeni mladima od 18 do 35 godina starosti
- Da svoje aktivnosti realizuju na području općine Travnik
- Da nisu ogranak i da nisu obavljali i ne obavljaju aktivnosti u ime političke partije

Dodatni kriteriji :

- Relevantnost, kvalitet i usklađenost projekta sa oblastima navedenim u članu 1. ovog poziva
- Procenat učešća u realizaciji projekta
- Da je udruženje upisano u registar omladinskih udruženja općine Travnik

Član 5.

Oblasti finansiranja projekata:

Projektni prijedlog treba da se odnosi na neku od sljedećih oblasti :

- a. Neformalna edukacija (programi iz oblasti omladinskog aktivizma, edukacije u cilju podsticanja omladinskog poduzetništva i dr.)
- b. Aktivnosti koje promovišu odgovoran odnos prema prirodi
- c. Kreativno izražavanje (škole slikanja, koncerti, predstava i dr.)
- d. Promocija zdravih stilova života i socijalne zaštite (borba protiv aktuelnih poroka, prevencija vršnjačkog nasilja, podrška mladima sa posebnim potrebama i dr.)
- e. Izgradnja i razvoj lokalne zajednice (aktivnosti koje potiču na veće učešće mladih u razvoju lokalne zajednice, ravnopravnost spolova, promovisanje volonterizma)

Član 6.

Prijava na Javni poziv treba da sadrži:

-Za udruženja :

- a. Popunjen prijavni obrazac
- b. Popunjen obrazac projektnog prijedloga
- c. Rješenje o registraciji (Aktuelni izvadak iz Registra ne stariji od 3 mjeseca)
- d. Uvjerenje o poreskoj registraciji- ID broj
- e. Bilans stanja i bilans uspjeha za 2025. godinu, ovjeren sa vidljivim pečatom nadležne agencije za finansijsko poslovanje,
- f. Potvrda banke o postojanju transakcijskog računa

-Za neformalne grupe (uključujući vijeća učenika srednjih škola)

- a. Popunjen prijavni obrazac
- b. Izjava o partnerstvu
- c. Popunjen obrazac projektnog prijedloga
- d. Rješenje o registraciji (Aktuelni izvadak iz Registra ne stariji od 3 mjeseca) udruženja sa sjedištem na području općine Travnik koje daje administrativnu podršku,
- e. Uvjerenje o poreskoj registraciji – identifikacioni broj udruženja sa sjedištem na području općine Travnik koje daje administrativnu podršku,
- f. Bilans stanja i bilans uspjeha za 2025. godinu, ovjeren sa vidljivim pečatom nadležne agencije za finansijsko poslovanje udruženja sa sjedištem na području općine Travnik koje daje administrativnu podršku,
- g. Potvrda banke o postojanju transakcijskog računa udruženja sa sjedištom na području općine Travnik koji daje administrativnu podršku

Za projekte koji se realizuju u školama potrebna je pismena saglasnost direktora/ice škole.

Član 7.

Javni poziv za dodjelu sredstava općine Travnik-budžet za mlade za 2026.godinu ostaje otvoren 15 dana od dana objavljivanja.

Prijave na Javni poziv sa potrebnom dokumentacijom predaju se na protokol Općine Travnik ili putem pošte na adresu :

Općina Travnik
Služba za razvoj, privredu i vanprivredu
Ul.Konatur bb
72270 Travnik

Prijave se podnose u zatvorenoj koverti sa naznakom „Prijava na javni poziv za dodjelu sredstava iz Budžeta Općine Travnik-budžet za mlade za 2026.godinu“ sa naznakom „Ne otvaraj“.

Nepotpuno i neblagovremene prijave neće se uzeti u razmatranje.

Liste odabranih korisnika bit će objavljene na oglasnim pločama i web stranici Općini Travnik.

Broj:01-02-7-994/26
Datum:01.07.2026.g.



N A Č E L N I K

dr.sci.Kenan Dautović